

讀史舉正



讀
史
舉
正

張
燾
著

中
華
書
局

張南漪墓志銘

南漪讀書極博。其說經皆有根據。必折衷衆說。是而尤熟於史。其權史也。尤精於地志。幾幾足以分國初胡閻黃顧諸老之席。其古文最嗜羅存齋。近人則喜顧亭林。是其平生學術大略也。浙有妄男子者。客京師。其文皆造險語奇字以欺人。而中實索然無所有。或問之。則取漢唐以來之亡書對曰。是出某本。賦詩則以用盡韻部之字爲工。方余在京師時。力爲人言其謬。故妄男子最恨予。及予歸。妄男子始猖狂。而吾友中好奇者。亦多爲所蠱。莫之正。南漪入京師。見而唾曰。嘻。是不足爲樊紹述劉幾作輿臺。何其無忌憚。一至此也。會妄男子正說經。南漪投以帖子。詰其經義數十條。妄男子噤不能答。遷延避去。南漪不喜爲場屋之文。故科舉累失利。甲子。王侍郎晉川見其對策奇之。置之副車。丁卯。竟薦之。天子詔求明經之士。梁尙書薌林又與侍郎交。登啓事。故南漪久留京師。會召對之期在明年。南漪乃有金鎔之行。舟至三衢。暴病。返棹抵家五日而卒。南漪之學。固未竟其止。卽就其所已至者。亦自足以有傳。而其平日爲文。最矜慎。不苟作。身後屏當其篋。不滿數十篇。實非其底蘊之所在。惟讀史舉正一書。亦未及十之五。草書散亂在故紙中。予爲科分而件繫之。闕其所不可識者。詮次得八卷。令其子鈔而傳之。不然。南漪幾不免有寂寞千秋之恨。是則可悲也。南漪嗜酒。然易醉。其家與予寓隔一巷。嘗與施慎甫飲于齋。正酣暢。極口論

文慎甫傾耳聽之。俄而目直上視。旁皇四顧大罵。不知其所罵者何人也。余命奚奴扶之以歸。南澗下階。踏于草間。慎甫救之亦踏。罵聲猶喃喃。觀者大笑。由今思之。不異山陽之笛也。南澗姓張氏。諱增。字曦亮。杭之仁和縣人。曾祖文宏。祖廷琦。父韶。開娶沈氏。生于康熙乙酉年閏四月二十五日。卒于乾隆庚午年九月二十五日。其年四十有六。葬于湖上。子三。挺堦。堦。挺爲諸生。屬銘于予。其銘曰。文如鄂州。厥壽亦倅。小泉翁志其幽。贈君私諡曰醉侯。鄧全祖望撰。

讀史舉正目錄

卷一

史記

漢書

卷二

後漢書

卷三

三國志

晉書

卷四

晉書

卷五

晉書

讀史舉正
目錄

讀史舉正 目錄

卷六

宋書

南齊書

梁書

陳書

魏書

北齊書

周書

隋書

卷七

南史

北史

舊唐書

新唐書

卷八

新唐書

五代史

宋史

資治通鑑

讀史舉正目錄

讀史舉正卷一

清 仁和張 燾曦亮箸

史記

高祖本紀

秦二世元年。注徐廣曰。高祖時年四十八。後高祖崩。注皇甫謐曰。高祖以秦昭王五十一年生。至漢十二年。年六十三。案始皇本紀。昭王享國五十六年。孝文一年。莊襄三年。始皇三十七年。以高祖生年校之。廣謐二說合。但云六十三。三當爲二耳。漢書注臣瓚曰。帝年四十二卽位。卽位十二年。壽五十三。與廣謐說異。

周市來攻方與。未戰。陳王使魏人周市略地。案文。陳王句當在攻方與上。

遇剛武侯。注應劭曰。楚懷王將也。漢書音義曰。功臣表云云。案音義。卽劭注也。漢書音義四字衍。班書引劭此注。無此四字。

遂略韓地。轅轅。案轅轅上有脫文。漢書本紀。從轅轅至陽城是也。

王陵降西陵。案西陵二字衍。漢書無。

漢王兵大振榮陽破楚京索閒案漢書在六月立太子上爲是外戚世家。

寶廣國至宜陽爲其主入山作炭。寒臥岸下。案論衡吉驗篇作臥炭下。

齊悼惠王世家。

哀王八年立營陵侯劉澤爲琅邪王。其明年趙王友幽死于邸。案齊哀王八年乃高后七年也。漢書劉澤爲琅邪王及趙王幽死並在高后七年。本紀傳年表並同。此言明年誤也。

張叔傳。

武帝元朔四年韓安國免。詔拜歐爲御史大夫。案元朔當爲元光。漢書百官表元光四年九月中尉張歐爲御史大夫。又本書平津侯傳元朔三年張歐免以宏爲御史大夫。據此則元朔四年歐已不在位矣。

漢書

高帝紀。

懷王遣沛公入關。沛公道碭至陽城與杠里。案潁川汝南二郡並有陽城。去碭遠下有引兵至栗北攻昌邑等語。安能先至陽城乎。史記作成陽去碭近較是。

遇剛武侯。注孟康曰：功臣表柴武以將軍起薛至霸上入漢中。案表云十月入漢，無中字。又史記引此作臣瓚。

酈食其說沛公襲陳留下。史記有得秦積粟四字，甚要。漢書去之，非是。

函谷關。注文頴曰：關在宏農。今移東在河南穀城縣。師古曰：穀城卽新安。案武帝紀：元鼎三年，徙函谷關于新安。屬宏農郡。穀城屬河南郡。後漢因之。而郡國志注新函谷關于穀城下，與文頴說同。何焯云：穀城去洛陽甚近，疑非徙關之地。予以晉隋唐三書地理志考之，俱無穀城縣。卽杜預注左傳：于定八年二月，單子伐穀城下。云穀城在河南縣西。然則晉初已省併入新安矣。是以師古曰：卽新安也。今地志新安在河南府西七十里。故穀城在府西北十七里。蓋漢時二縣接界，關或徙于其間。文頴司馬彪漢末人，理當不誤耳。

諸侯罷戲下。注師古曰：戲謂軍之旌麾也。一云從項羽在戲水之上，故言罷戲下，非也。羽見高祖于鴻門，已過戲矣。又入秦燒宮室，不復在戲也。案上明云羽率諸侯兵西至戲下。史記無下字。此云罷戲下，文正相應。又二世元年，陳涉將周章西入關至戲，皆指戲水。且羽之會鴻門，西入秦，豈必諸城皆徙耶？羽不在戲，諸侯未必不皆在戲也。若云罷旌麾之下，于義不可通矣。

五月，漢王從故道襲雍。史記在八月。

出成臯玉門。注張晏曰：成臯北門。案玉門乃成臯西門。武王有玉門之難，卽此注誤。

高后紀。

元年五月，封孝惠子強淮陽王，不疑恆山王，宏襄城侯，朝軹侯，武壺關侯。案表俱在四月。

八年春，封中謁者張釋卿爲列侯。案表無卿字。

景帝紀。

三年正月，皇太后崩。注文穎曰：竇太后以景帝崩後六年亡。凡立五十一年。此言崩誤。案后以文元年立。武建元六年崩。凡四十五年。文說亦誤。

昭帝紀。

元鳳元年。注應劭曰：三年中，鳳皇下東海，海西樂鄉。於是以冠元焉。案地理志：樂鄉屬信都國。十三郡無海西名。而本紀始元三年十月，言鳳皇集東海。文止此，則海西樂鄉當爲東海地矣。考東海有海曲，疑西爲曲之訛。

哀帝紀。

帝崩于未央宮。注臣瓚曰：帝年二十卽位，卽位六年，壽二十五。師古曰：卽位明年乃改元。壽二十六。案紀云：帝以元延四年入朝，時年十七矣。綏和二年卽位，則是十九歲。明年改元建平，建平四年，合元壽

二年凡六年。恰正二十五。師古誤。臣瓚以改元爲卽位。亦謬。

王子侯表

齊悼惠王子管侯罷軍。案管疑當作管。地理志。管屬濟南。與齊近。菑川懿王子臨胸侯奴。案臨胸屬齊郡。東海有胸縣。此臨字疑衍。下注東海可見。中山靖王子新處侯安郭侯下並云涿。案新當作新。郭當作國。地理志。新處安國。並屬中山。或先屬涿耳。代共王子濕成侯忠。皐琅侯遷。案濕當作隰。琅當作狼。志並屬西河。代共王子如胡侯。土軍侯。千章侯。皆西河邑也。而表于皐琅下云臨淮。千章下云平原。並誤。趙敬肅王子爲氏侯賀。案爲氏卽象氏異文。屬鉅鹿。城陽共王子有利侯釘。案有利當作育犂。屬東萊。長沙定王子衆陵侯賢。案衆當作泉。見王莽傳。師古注。河閒獻王子沈陽侯自爲下云勃海。案沈疑當作浮。浮陽屬勃海。魯安王子闕旗侯臨朝。案旗當作祺。屬東海。膠東戴王子柳泉侯強下云南陽。案柳泉屬北海。戴王子樂望侯成康侯並云北海可證。此云南陽。誤也。

表與地理志郡邑不同。如王子侯表。德侯五據侯胡毋侯下並云泰山。志泰山郡無。安城侯下云豫章。志豫章郡無。句容侯下云會稽。志句容屬丹楊。浮邱侯下云沛。志沛郡無。丹楊侯下云無湖。志丹陽無湖。並屬丹楊郡。龍邱侯下云琅邪。志琅邪無。臨衆侯下云臨原。志無臨原郡邑。壽梁侯下云壽樂。志無壽樂郡邑。宜城侯下云平原。志宜成屬濟南。臨胸侯下云東海。志齊郡東萊並有臨胸。東海則有胸縣。

雷侯辟土侯下並云東海志東海郡無尉文侯下云南郡志南郡無襄侯下云廣平志廣平國無將梁
薪館陸城三侯下並云涿志涿郡無蒲領侯下云東海志蒲領屬勃海畢梁旁光南侯下並云魏志魏
郡無廣侯下云勃海志廣屬齊郡蓋侯下云魏志蓋屬泰山郡陪侯前侯下並云平原志平原郡無案
志或據改併後表據見封時耳

外戚恩澤侯表

周呂侯澤下云六年正月丙戌封案高帝紀六年正月丙午封荆王賈楚王交王子封代王喜齊王肥
又云封大功臣三十餘人漢重同姓澤不應先封疑丙戌當爲丙午否則正月當爲四月此表於建成
侯呂釋之下云六年四月丙戌封釋之乃澤弟理當同日封也又云澤薨台嗣高祖九年更封爲卿
侯四年高后元年爲呂王案更封之後四年則孝惠元年也四字誤

建成侯釋之下云六年四月封九月薨案九月當作九年下云孝惠二年侯則嗣自高祖六年至孝惠
二年正得九年也

郎侯駟鈞下云文元年四月封六年坐濟北王反弗救免案文帝紀元年六月封齊王舅駟鈞爲
靖郭侯與表異而濟北王之反文紀在三年五月此云六年疑表誤

平昌侯王無故下失書平原二字又臨薨鴻嘉元年侯獲嗣三十八年建武五年復案文不言免直

言復疑有闕。且自鴻嘉元年至建武五年爲四十八年。此云三十八。亦誤。

樂昌侯王武下。地云汝南。今考地理志。汝南無樂昌縣。又甘露二年。戾侯商嗣。二十七年薨。河平四年。侯安嗣。二十七年。元始三年。爲王莽所殺。案商以河平四年薨。自甘露二年至河平四年。爲二十八年。又自河平四年至元始三年。亦二十八年。此並云二十七。誤。

成都侯商下。注山陽。案地理志。山陽郡城都縣。注云侯國。成當作城。與蜀郡成都別。

百官公卿表

孝惠高后置左右丞相。案酈商傳。遷右丞相。又云以右丞相擊陳豨。然則高祖已置左右丞相。不始於孝惠也。

沛相蕭何爲丞相。案何傳。高祖爲沛公。何嘗爲丞督事。又高帝紀。高祖立爲沛公。注孟康曰。楚稱縣宰爲公。陳涉爲楚王。沛公起應涉。故從楚制。然則縣宰安得置相。傳云丞。是也。表誤。

太尉盧綰。書五年下。案綰傳。入漢以太尉常從。表不得其始爲太尉之年。故以王燕之年爲定。

灌嬰傳。嬰以御史大夫追項籍。所將卒斬籍。又以車騎將軍從擊燕王荼。案籍死荼反。並在高帝五年。表于御史大夫列將軍位下並失書。

殷內史杜恬。案表上云內史掌治京師。此殷字疑誤增。

將軍鄺商爲衛尉。案商傳以將軍將太上皇衛一歲。不云衛尉。

九年丞相何遷爲相國。案何傳陳豨反。上自將。問誅韓信。使使拜丞相爲相國。而高紀豨反在十年九月。信誅在十一年正月。下有相國何等請立代王。二月詔有御史大夫昌下相國云云。然則何之遷非九年明矣。

十年中地守宣義爲廷尉。案中地郡卽右扶風也。地理志注高帝九年罷。復爲內史。表仍其舊名耳。十一年周勃爲太尉。後官省。孝惠六年勃復爲太尉。案勃傳盧縮反。勃以相國擊下蘄。而高紀縮反在十二年。豈此時省太尉官乎。然則勃中間嘗爲相國。表失之。

孝文二年書衛尉足。案文紀元年六月詔有衛尉足等。宜書元年下。

孝文三年下中郎將張釋之爲廷尉。案釋之傳以貲爲郎。事文帝十年不得調。其後拜謁者僕射。又爲公車令中大夫。然後至中郎將。爲廷尉當在孝文末年。表誤。

孝文後二年八月戊戌丞相張敖免。下又云八月庚午陶青爲御史大夫。案戊戌庚午不得並在一月。周亞夫傳文帝崩。亞夫爲車騎將軍。表列將軍位下不書。失之。

孝景元年平陸侯劉禮爲宗正。二年爲楚王。案二年當爲三年。觀楚元王傳可見。

孝景五年安邱侯張敖爲奉常。案功臣表安邱懿侯張說薨。其侯奴嗣。奴薨敬侯執嗣。執薨康侯新嗣。

初無歐名。又史記歐傳。歐安邱侯說之庶子。則歐固未嘗嗣爵。表言安邱侯。誤。

孝景中六年。中大夫令直不疑更爲衛尉。案表上云衛尉。景帝初更名中大夫令。後元年復爲衛尉。則中六年尙非衛尉也。而不疑傳以郎稍遷中大夫。龔吳楚正在景帝初。與表不合。似脫令字致誤。孝武建元元年下。齊相牛抵爲御史大夫。二年下。御史大夫趙綰自殺。案綰死在二年十月。時以十月爲歲首。則綰之爲御史大夫。在元年無疑矣。牛抵豈趙綰字之譌乎。抑抵旋罷而綰代。在一年中。而表失之也。綰與郎中令王臧同死。而表于元年下書王臧爲郎中令。不應遺綰。此必有誤。

淮南太守灌夫爲太僕。案文南當作陽。灌夫傳可據。

甯成爲內史下獄。論內史印。案成傳抵罪髡鉗。此云論內史印。不成文。必有誤。

建元二年下。郎中令石建六年卒。應在元光初年。而傳云萬石君。元朔五年卒。歲餘建亦死。表傳互異。萬石君傳石慶爲太僕。上問車中幾馬云云。表于太僕位次失書。

元光元年下。隴西太守李廣爲衛尉。案廣傳徙爲隴西北地雁門雲中太守。入爲衛尉。當云雲中太守。元光六年下。韓安國爲衛尉。二年爲將軍。案武帝紀是年秋。安國以將軍屯漁陽。本傳亦云爲衛尉。明年爲將軍。表云二年。誤。

元狩三年下。三月壬辰。廷尉張湯爲御史大夫。六年有鼻自殺。案上二年云三月壬辰。御史大夫李蔡

爲丞相。月日皆同。疑湯代蔡卽此日也。又上元朔三年云湯爲廷尉。五年遷。若在元狩三年遷。則六年矣。又湯傳爲御史大夫七歲。若在元狩三年爲御史大夫。至元鼎二年石慶代。則六年矣。

元帝竟甯元年下。張譚爲御史大夫。案匡衡傳作甄譚。

孝成建始二年下。何壽爲廷尉。四年徙。案下文三年十二月。丞相匡衡免。而衡傳時司隸校尉駿。少府忠。行廷尉事。劾奏衡免。然則壽之徙久矣。安得至四年乎。

張禹傳及儒林傳。禹弟子彭宣爲大司空。百官表失之。

律歷志

劉歆作三統歷及譜。以說春秋。推法密要。故述焉。注師古曰。自此以下。皆述劉歆之說也。案左傳襄二十四年孔氏正義曰。漢書律歷志載劉歆三統之術。以爲五月二十二分月之二十。乃爲一交。交在望前。朔則日食。望則月食。交在望後。望則月食。後月朔則日食。交正在朔。則日食既。前後望不食。交正在望。則月食既。前後朔不食。又襄二十八年正義曰。漢書律歷志載劉歆三統歷。以爲歲星一百四十四年。行天一百四十五次。一千七百二十八年爲歲星歲數。以上二條。今本無。

地理志

東郡壽良縣。注應劭曰。世祖叔父名良。改曰壽張。案郡國志。下邳國之良城。涿郡之良鄉。皆未改。